



*Selasa, 19 Nopember 2024*

**Ogen: Kejadin 29: 22-23**



**Ipejabu ras Jakup**



**A**di siperdiateken turi-turin kegeluhen Jakup, maka semasa geluhna asum nguda denga, mbue tipu-tipu si ilakokenna piahna ia pe mulihi kena itipu mamana Laban. Dungna ia pe kecewa i bas geluhna, banci kin lang? Ise kin la kecewa adi kena tipu. Jakup nggo erdahin pitu tahun dekahna alu arapen banci erjabu ras diberu si ngena atena e me Rahel. Tapi kencana penantian yang panjang ras penuh dedikasi, Jakup ngaloken kekecewaan si mbelin asum idapetina maka Laban nebu-nebu ia ras mereken Lea jadi ndeharana. Piahna Jakup arus ngalaken sada kinata maka hubungenna la bagi si iarapkenna.

I bas erbage hal, hubungan manusia dem alu kinilasertan ras mawen-mawen erbansa turah luka, penghianatan ntah kelapuasan. Jakup terjebak i bas situasi si la isurakenna, tapi Tuhan tetap erdahin i tengah kekacauan e. Arah perjabunna ras Lea, Jakup jadi bapa arah suku-suku Israel si memainkan peran penting i bas sejarah keselamatan. Banci saja adi si nen ku pudi, i bas kita Moria pe, pasangenta si gundari e banci saja labo si jadi sura-suranta, mungkin saja lit si ngena ateta. Saja ngenca, adi e kin jodoh ras si ibereken Dibata man banta, tetaplah setia nandangi pasangenta si gundari dingnen tetap tek pasu-pasu Dibata e man jabunta gundari. Aminna pe Lea labo siniarapkan Jakup jadi ndeharana, tapi arah Lea me Jakup ndatken anak e me Juda si jadi nini Raja Daud terus ku kesusurena e me Jesus Kristus. Enda ngajarken man banta aminna pe kita banci saja itebu-tebu ntah ikecewaken arah keadan hidup, tapi Tuhan tetap pegang kendali ras IA si mada rancanganen si mbelin si lenga tentu si pahami man banta. Tuhan makeken kerina situasi i bas geluhta termasuk kesalahen, penipuan ras kekecewan guna mewujudken sura-suraNa si mehuli.